


四明叢書

張宗祥



錢忠介公集卷八

契家後學全祖望編次

縣後學張壽鏞校補

正氣堂集八

七言律

感懷時事

時事於今尙可爲滿朝安穩劍頭吹銅人立處非秦苑  
金馬班前半漢兒報國空餘精衛力逢人欲寄杜鵑詩  
何年甲洗天河水玉輦重迴舊帝基

贈李玄章

先生卓鑠挺神姿綱領英風下玉墀刈草吉雲幾度返  
采芝玄圃不經時梅花芍藥供行饌月姊仙娥作侍兒  
敬遣松風來問訊他年飄笠許相隨

寄弔謝宣子

于宣子也死壽鏞案此三寶李自成之難

此身一入承明殿便把綱常付此身魂到天邊猶捧日  
血侵飄影不飛塵笑看大吏爭迎賊恥以新妝別嫁人  
一曲鑑湖明似鏡鬚眉難與共爲鄰

蔣振華招飲西湖感懷時事寄慨

山色蕭條八月秋  
主人招我醉扁舟  
大江似隔汀蘆限  
此地憑添簫管愁  
仙吏殺身金馬適  
漫郎釀酒石魚遊  
囊封諫草誰人者  
寄想宣公第一流

漢殿秦宮秋草青  
湖光不改舊清泠  
一杯綠蟻臨風醉  
萬里關山戰血腥  
畫艦歌聲來細細  
垂楊人影落亭亭  
當年盛事今安在  
日落空山倦倚舲

別趙榮庵總戎

客館淒涼不任情  
手提肝膽送君行  
欲呼我友籌忠孝  
自媿微軀負聖明  
壁壘開時懸日月  
旌旗迴處落欒櫓

中興四七誰爲首  
苻勒雲臺千古名

甲申杪過崑崙周徹其舍留連浹月春正話別賦

此志感

客路春風不禁寒  
臨期頻話勸加餐  
君歸自惜知心少  
我去誰憐行路難  
檻外履聲來夢寐  
門前月色照悲酸  
平原十日今三倍  
莫作尋常旅況看

見梅花落感而賦詩

二月春光鬪豔時  
蜂聲猶自抱殘枝  
伶俜瘦影乘風怯  
憔悴香魂入夢遲  
輒雨飄零陳樹玉  
疏雲蹙就漢宮眉

枝頭尙有芳菲意分付東皇好護持

悲憤詩三十首

十七年前事已空小臣無路籲高穹淒淒綠草生前殿  
黯黯愁雲鎖故宮北極朝廷風雨夜南天戎馬笑談中  
銀泉山下漸流咽夢裏分明淚血同

朝議紛紜正聚訟賊烽久已逼居庸旄頭星象先占變

鴟尾雷聲蚤告凶

時雷震奉先殿鴟尾

應怒茂陵新礪劍忍聞長

樂舊鳴鐘痛心三月十九事夢想衣冠哭墮龍

數載憂勤翻喪邦六軍從此臥旗幟直飛流矢金墉闕

遂掛長弓玉女窗  
瞎賊無知兵犯順  
名流何故表修降  
漸臺指日應傳首  
報道爲龍已渡江

莫道成周遂不支  
萸弘死血未應黥  
徘徊故國悲禾黍  
俯仰今人負鷄驤  
赤伏已圖劉姓氏  
黃巾猶壞漢罽毼  
最憐風雨淒涼夕  
九廟神靈望祝釐

幾年膏雨滿皇畿  
一旦欃槍射日暉  
北闕晴雲隨望改  
西山爽氣與心違  
塵生春殿花猶泣  
血灑南天鴈不飛  
聞道王師將薄伐  
願隨強弩殲封豨

大橫占兆代來初  
手握陽阿非種鋤  
共說投戈明主出

豈知謀箸具臣疏傷心雲散昭陽影慘目煙飛天祿書  
灑泣新亭殘月淚何時車劍走蒲胥

誰使先皇遂喪軀滿懷悲憤只長吁風高春燕巢何處  
雨泣銅駝夢不圖揖賊新宣大司馬除戎舊拜執金吾  
尙方屢遣廷臣出曾斬天驕一箇無

遙望長安草樹萋翠華臨幸望偏迷車中御豈逢丑父  
殿上人無金日磈好夢只疑蒲反魏癡心猶道汝歸齊  
聖明千古留遺恨莫箇人來挽日西

未央前殿雜風霾千里空來貢玉駟劍佩憧憧承七轡

鑾輿穆穆禮燎柴卽云水旱艱天步亦有馨香慰帝懷  
佑順皇心原未爽降殃應是爲吾儕

賊烽一夜九門開爲問誰人稔禍胎宮闕頓翻豺虎穴  
風雲重鎖鳳凰臺不教玉饌羞牛骨未有花鈿墮馬鬼  
傳說數行衣內詔北風猶帶鴈聲哀

憶得當年三月春幽燕烽火自西秦紫微帝座星光黯  
熒惑妖兒識語真傳道漢家曾避戍豈知明祚忽夷申  
大仇誰報憑回紇天地於今不復晨

昔日持麾入北軍呂劉興廢袒中分羽林宿衛誰勝甲

鉤盾巡宮亦備員天醉漫傳鶉首策壁還曾話瀉池君  
么魔會有天亡日只痛先皇宿草墳

歎息當時鹿豕奔更無人說報君恩臣工若箇熊當道

寇虜方傳蛇鬪門幾處秋風祠帝子不勝春草戀王孫

時聞永定  
二王尚在愁來喜聽虛消息鼓舞心肝奉至尊

往事悲歌髮指冠水聲猶自哭燕丹三年去越能興越  
五世臣韓未報韓涿鹿城邊鬼語泣桑乾河畔水流寒  
帝城風景今安似慟哭行人淚鐵肝

小臣從未識天顏忽聽傳呼御駕還宮扇開時雲影動

鑪煙繞處珮聲閒從王無路隨青鳥報國空懷媿白鵬  
先帝時子爲五品官夢裏不知年歲改曉來依舊淚痕斑

上苑淒迷宮樹煙東風不是舊時妍庭中誰弄辟寒玉  
臺上猶懸輕影錢鼯鼠鬪殘河朔地杜鵑啼碎雒陽天  
隴頭流水聲聲急瀉向人間作憤泉

一枝無地寄鷓鴣夜月城頭照寂寥諸葛功名虛劍閣  
平原車騎散河橋三宮同日殉宗社四海齊聲淚碧霄  
盜弄潢池猶赤子忍於王室肆鴟鴞

猶然外吏貢菁茅兄豹連盟小弟鷁豆馬紙人欺聖主

銅頭鐵額護私交，看他幾日絲成絡。到底千秋鏡不消，回首身名今在否。空餘蟲語弔寒郊。

宵旰難迴天聽高，遂令臣子諱焦勞。早知今日悲龍馭，何不當時戍虎牢。鼎沒泗淵難曳引，輈傾皇路共呼號。沿邊將士多忠勇，尙念先皇舊錦袍。

今年春信是如何，未見王師蚤渡河。漳水漫勞汙白粉，秋泉又見起蒼鵝。恨隨春草年年長，淚作滄江滾滾波。翻怪蒼天容盜賊，坐令熾肉飽干戈。

狐兔縱橫落日斜，悲笳淒切舊京華。鶴歸雲裏幾聲淚，

鴈斷風中何處家秋壑門前怨青草武陵谿口贈桃花  
全祖望曰誤國首罪  
楊武陵語有微意  
中原淪陷雖天意亦是清談種禍  
芽

不應此地作尸鄉況復風枝汗聖王共佩兵符尋嶧孔  
誰將飛矢射天狼蝦蟆到處迷官廩鸚鵡從前說上皇  
二十七人殉義死劫灰中識魯靈光

小草於天亦有情枝枝葉葉向陽傾逢人怕說興亡事  
懷古如聞悲泣聲粉社歲時仍漢臘下泉陰雨念周京  
宮車寂寞歸來晚痛殺春風到雒城

山川崩徙不停停誤盡蒼生是寧馨戚里正歌三婦豔  
豪門已散五侯鯖頗憂穀維妨王室不道蚩尤掩帝星  
盼殺南朝旌旆出莫教長鎖限魚汀

正疑此日賜梟羹忽報皇都禍已仍明月照人顏慘澹  
北風吹鬢髮鬢鬢幾行帛鴈歸蘇武一曲胡笳泣李陵  
今日人情忘漢大敢云豐鎬不中興

亦知身世是浮鷗不耐關情蚤白頭一路雞聲催夢曉  
數番鳥語換春愁世情等是忘憂草人面渾如不繫舟  
惟有水痕依故國涓涓日夜向東流

北望園陵涕不禁遙持明水薦清心萬方聚泣酸成雨  
到處吞聲怒結陰地號柏人悲伏莽城名治父痛羈禽  
小臣無力支天柱一夜繁霜鬢髮侵

刀鋸時嚴爲肅貪其期從此剪號魁平臺屢對天顏穆  
宣室時親聖澤湛舞馬猶然依故主客龜幾日夢江南  
不堪指出傷心處新歲重逢是月三

天心藐藐竟難占今日翻悲麥秀漸未見鴻門脫劉季

浪傳石槨賜飛廉

飛廉不與殷亂

兩京返旆唐靈武五月乘龍

宋建炎

全祖望曰弘光亦以五月卽位

從此中興新日月重修陵上水

紋簾

玉篆幽玄似錦緘擬懷椒糈下巫咸女珊瑚樹榮如割  
金鳳凰車去若帆多病鏡中看白髮憂時座上溼青衫  
二三君子勤王事望把胸中營壘劒

奉贈吳純祐使君

國杰

使君鳬舄慰輿情三月中牟化大行一片慈雲甍道暘  
滿泉玉乳發春榮

去縣治三里西山上  
有慈雲峰玉乳泉

芙蓉光豔連婁

水

縣有芙蓉山

霹靂威名到鹿城

大羅山上  
有霹靂尖

會看徵書來鳳

關建牙此地舊知名

縣有建牙鄉

七言絕句

山詠十三首

青門祖帳爲投閒，賀監飄然東出關。  
立定腳跟隨處穩，雙湖不換四明山。

嚴陵灘下水潺潺，諫議當年看等閒。  
劉氏江河幾易主，釣竿留得富春山。

已向雲耕待玉顏，便拌柯爛不須還。  
天台深洞胡麻飯，笑我劉郎誤出山。

自號鴟夷辭故主，五湖載出一身閒。  
會稽鑄像君恩重，